

BASES DA CONVOCATORIA PARA O 2025, DA LIÑA 5 DO PLAN ESTRATÉXICO DE SUBVENCIÓNS DO CONCELLO DE OÍMBRA: AXUDAS A CLUBES DEPORTIVOS, PARA O FINANCIAMENTO PARCIAL DOS GASTOS DERIVADOS DA SÚA PARTICIPACIÓN NA COMPETICIÓN DEPORTIVA DURANTE A TEMPADA 2025

Primeira.- Obxecto:

O obxecto destas bases é a regulación da tramitación e concesión de subvencións, por parte do Concello de Oímbra, destinadas a clubs deportivos do Concello de Oímbra, mediante convocatoria pública, coa finalidade de financiar parcialmente os gastos derivados da súa participación na competición deportiva durante a tempada 2025.

Segunda.- Beneficiarios:

1. Poderán ser beneficiarios das subvencións reguladas nestas bases os clubs deportivos que reúnan os seguintes requisitos:

- a) Estar inscritos nos rexistros deportivos correspondentes da Xunta de Galicia.
- b) Ter o seu domicilio social no Concello de Oímbra, circunstancia que deberá constar na inscrición no rexistro deportivo oficial da Xunta de Galicia.
- c) Participar, na temporada 2025 en competicións oficiais, calquera que sexa o seu ámbito, convocadas polas súas respectivas federacións.
- d) Posuír, polo menos, un equipo de base acreditado.

Terceira.- Disponibilidades orzamentarias:

O financiamento das subvencións reguladas nesta convocatoria realizarase con cargo á aplicación 341.48 dos orzamentos do Concello de Oímbra para o exercicio 2025, dotada inicialmente con 1.000 euros.

Cuarta.- Contía máxima das subvencións:

As subvencións terán unha contía máxima de 1.000,00 euros por cada beneficiario.

Quinta.- Solicitudes: prazo e documentación:

O prazo de presentación iniciarase a partir da publicación da convocatoria regulada nestas bases no BOP, permanecendo aberta todo o ano 2025.

Sexta. Documentación que debe presentarse:

As solicitudes deberán formularse achegando :

a) Documentación administrativa:

- a.1) Solicitude dirixida á Alcaldesa no modelo oficial, recollido no anexo I destas bases.
- a.2) Estatutos sociais do club.
- a.3) Certificado de inscrición no rexistro deportivo da Xunta de Galicia no que conste o domicilio social do club ou documento acreditativo análogo expedido pola delegación ou xefatura territorial competente.
- a.4) Poder co que actúe o representante do club, agás que a dita función lle corresponda conforme aos estatutos sociais, en razón do seu cargo na entidade, en cuxo caso a validez da representación se acreditará mediante documento do seu nomeamento ou elección.
- a.5) Declaración responsable comprensiva do feito de non atoparse incurso o solicitante nas prohibicións recollidas no artigo 13 da Lei xeral de subvencións, incluíndo unha referencia expresa á circunstancia de acharse a entidade ao día nas súas obrigas tributarias e de Seguridade Social. Para a formulación desta declaración poderá utilizarse o modelo recollido no anexo II destas bases.
- a.6) Declaración do solicitante da subvención na que figure o conxunto de subvencións e axudas solicitadas para os mesmos fins, tanto as aprobadas ou concedidas, como as pendentes, sexan públicas ou privadas, segundo o modelo anexo III.
- a.7) O DNI do representante e o CIF da entidade .
- a.8) Memoria valorada das actividades previstas á súa participación na competición deportiva durante a tempada 2025.
- a.9) No caso de solicitar anticipo, presentarase o anexo IV.

Sexta.- Gastos subvencionables:

Consideraranse gastos subvencionables os derivados da participación do clube en competición deportiva oficial durante a temporada 2025.

Sétima.- Procedemento de concesión:

1. Unha vez presentada a solicitude, remitiráselle á Axente de Emprego e Desenvolvemento Local do Concello de Oímbra, para a instrución do expediente e comprobación da corrección da documentación administrativa achegada. Examinada a documentación, a Alcaldía concederá un prazo de ata dez días hábiles para emendar as deficiencias materiais na documentación administrativa presentada.
2. Concluído o trámite de emenda de deficiencias emitirase un informe no que se procederá a formular a proposta de resolución, a cal terá que ser ratificada pola Xunta de Goberno Local emitida . O acordo da Xunta de Goberno Local será notificado ao solicitante ou representante.



Oitava.- Adianto do importe da subvención concedida:

Como regra xeral, a subvención será aboada ao beneficiario unha vez xustificada, porén, conscientes da problemática coa que os clubs locais se atopan a nivel de liquidez e financiamento, o importe da subvención concedida será susceptible de ser adiantada, sempre e cando os representantes do clube se compromentan, conforme o anexo IV a:

-Presentar en tempo e forma, conforme ás presentes bases a documentación xustificativa do gasto executado.

-Á devolución do importe adiantado, no caso que non se declarara xustificada a axuda polo órgano de goberno local.

Novena.- Publicidade da subvención por parte do beneficiario:

O beneficiario da subvención deberá adoptar medidas de difusión da subvención concedida, para darlle unha axeitada publicidade ao carácter público do financiamento da súa actividade, debendo realizar como mínimo as seguintes medidas de difusión:

- Inclusión da imaxe institucional do Concello de Oímbra alusiva ao feito de que a actividade está subvencionada polo Concello, nos carteis e materiais impresos da súa actividade ou, de ser o caso, na páxina web do club deportivo.

En caso de incumprimento desta obriga, o Concello de Oímbra poderá ordenar a adopción das medidas alternativas previstas no artigo 31 do Regulamento da Lei xeral de subvencións. No caso de que se incumpran tamén estas medidas, o incumprimento da obriga poderá ser causa de perda do dereito á subvención ou de reintegro ata un importe do 20% da subvención concedida, importe que se determinará en función da gravidade do incumprimento.

Décima.- Xustificación e pago da subvención:

Como regra xeral, a subvención será aboada ao beneficiario unha vez xustificada no prazo máximo de trinta días naturais dende que se dicte o acto administrativo no que se teña por xustificada a subvención. Sen prexuízo do anterior parágrafo, poderá realizarse o pago anticipado, a pedimento dos interesados, co compromiso de devolución do mesmo, no caso que non se declarara xustificada a axuda polo órgano de goberno.

1. A subvención xustificárase mediante a presentación dunha conta xustificativa, integrada polos seguintes documentos:

A) Memoria de actuación xustificativa do cumprimento das condicións impostas na concesión da subvención con indicación das actividades realizadas e dos resultados obtidos na que constará a relación clasificada dos gastos da actividade.

B) Xustificación do cumprimento das obrigas tributarias e de Seguridade Social e de non incorrer en prohibición de obter subvencións, deberán achegar unha declaración responsable comprensiva do feito de non incorrer o solicitante nas prohibicións recollidas no artigo 13 da Lei xeral de subvencións, incluíndo unha referencia expresa á circunstancia de estar ao día nas súas obrigas tributarias e de seguridade social Seguridade Social.

C) Xustificantes dos gastos executados, subvencionados, en orixinal, duplicado ou copia simple, ata un importe equivalente, como mínimo, ao da subvención concedida.

Non obstante, a presentación de facturas poderá substituírse pola dos documentos que se indican nos seguintes casos:

- Nos supostos en que non exista obriga legal de emitir factura, o gasto xustificárase mediante recibín asinado polo pagador e polo prestador do servizo.

- No caso de gastos de arbitaxes, achegarase, ademais do sinalado no parágrafo anterior, certificación do correspondente colexio de árbitros ou entidade que asuma as súas funcións, acreditativa do gasto realizado.

- No caso de gastos de desprazamentos de deportistas con medios propios, deberase presentar unha declaración xurada dos desprazamentos ao prezo máximo de 0,26 euros por km, asinada polo deportista e co visto e prace do presidente e secretario da entidade.

- En todos estes casos descritos, ademais do sinalado no parágrafo onde se indican os supostos de non existir obriga legal de emitir factura, deberá presentarse unha certificación do secretario do clube, co visto e prace do presidente, acreditativa do gasto realizado (con indicación día e lugar de desprazamento).

- No resto dos supostos, admitírase como documento acreditativo do gasto, un recibo asinado polo pagador e polo prestador do servizo.

D) Certificación do número de conta expedida pola entidade financeira correspondente.

E) Acreditación das medidas de difusión adoptadas (mediante presentación de copia dos impresos nos que figuren as ditas medidas de difusión) ou da súa inclusión na páxina web da entidade (indicando o enderezo da dita páxina web, para a súa comprobación).

2. Ao abeiro do establecido no artigo 31.2 da Lei xeral de subvencións, considerarase como gasto



efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa.

Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

3. A conta xustificativa presentárase conformada polo presidente da entidade.

4. No caso de non acreditarse a realización de gasto reflectido na correspondente relación de gastos por unha contía igual ou superior á presentada no orzamento do clube indicado na ficha de avaliación económica da entidade, que serviu de base para a concesión da subvención, esta reducirase proporcionalmente. En todo caso, cando a contía do gasto xustificado sexa inferior ao 25% da relación de gastos do club presentado coa ficha de avaliación da situación económica da entidade, esta entenderase automaticamente como non xustificada, dando lugar ao reintegro ou perda total do dereito á subvención concedida.

5. De advertirse deficiencias de carácter corrixible na conta xustificativa, a Alcaldía concederá un prazo de dez días hábiles para a súa emenda. Ao abeiro do disposto no artigo 45.1b) da Lei 39/2015 do procedemento administrativo común das administracións públicas.

6. Se a conta xustificativa fose presentada correctamente, mediante resolución da Xunta de Goberno Local, declararase xustificada a subvención.

7. Sen prexuízo do a Intervención do Concello de Oímbra poderá esixir aqueles documentos ou xustificantes complementarios que, motivadamente, se consideren oportunos para unha fidedigna acreditación da realización do gasto. Igualmente, a Intervención poderá realizar funcións de inspección e control financeiro da entidade beneficiaria, de conformidade co establecido na Lei xeral de subvencións.

8. A xustificación deberá realizarse ante o Concello de Oímbra, como data límite o 31 de decembro de 2025. O dito prazo terá como regra xeral carácter improrrogable.

Décimo Primeira.- Obrigas dos beneficiarios:

Con carácter xeral, os beneficiarios asumirán todas as obrigas impostas pola Lei xeral de subvencións. En particular, quedan suxeitos ás obrigas de control financeiro e reintegro nos casos previstos na dita lei, así como ás obrigas de publicidade.

Décimo segunda.- Compatibilidade con outras axudas ou subvencións públicas ou privadas:

As subvencións concedidas ao abeiro desta convocatoria son compatibles con outras axudas ou subvencións públicas, concedidas por administracións distintas do propio Concello de Oímbra para os mesmos gastos ou por entidades ou empresas privadas, sempre que o conxunto das ditas axudas non exceda do 100% do gasto da actividade subvencionada.

Décimo terceira.- Reintegro e perda do dereito á subvención:

A Intervención do Concello de Oímbra poderá realizar funcións de inspección e control financeiro da entidade beneficiaria, de conformidade co establecido na Lei xeral de subvencións.

En caso de incumprimento da entidade por algunha das causas previstas no artigo 37 da Lei xeral de subvencións, procederase á tramitación dun expediente de reintegro, ou, se é o caso, de perda do dereito á subvención concedida. A obriga de reintegro ou a perda da subvención poderá ser total ou parcial, en función da gravidade do incumprimento do beneficiario, graduándose de acordo co principio de proporcionalidade. En todo caso, o reintegro ou a perda da subvención incluírán sempre e como mínimo os importes cuxo gasto non se xustifícase en prazo.

Nos supostos nos que da conta xustificativa se deduza que a actividade obtivo subvencións por importe superior ao 100% do seu custo, o Concello reducirá proporcionalmente a axuda concedida na contía necesaria.

Décimo cuarta.- Normativa aplicable:

En todo o non disposto nestas bases seralle de aplicación á presente convocatoria e ás subvencións que se concedan ao seu abeiro o disposto na normativa de subvencións aplicable á administración local, así como na lexislación vixente en materia de réxime xurídico das administracións públicas e procedemento administrativo común.

Contra este acordo pódese interpor, potestativamente, un recurso de reposición ante a Xunta de Goberno deste Concello de Oímbra, no prazo de 1 mes, como trámite previo ao contencioso-administrativo, ou ben directamente un recurso contencioso-administrativo ante o Xulgado Provincial do Contencioso-Administrativo, no prazo de 2 meses, sen que se poidan compaxinar ambos recursos. Os prazos indicados computaranse a partir do día seguinte ao da publicación deste anuncio no BOP



SOLICITUDE DE AXUDA AO CONCELLO DE OIMBRA DENTRO DA LIÑA 5 DO SEU PLAN ESTRATÉXICO DE SUBVENCIONS PARA O ANO 2025: AXUDAS A CLUBES DEPORTIVOS.

D./Dña.....maior de idade, provisto/a do D.N.I.
num.....con domicilio a efectos de notificación
en.....

EXPÓN:

Que é coñecedor/a da Liña 5 do Plan Estratéxico de Subvencións do Concello de Oimbra do ano 2025, así como das Bases da Convocatoria para a presentación da solicitude de subvencións.

Que é representante do clube....., con sede social no concello de Oimbra, inscrito no rexistro deportivo da Xunta de Galicia, co número....., e cumpre os requisitos para poder acceder a esta liña de axudas .

Por todo, **SOLICITA:**

Que lle sexa concedida a axuda prevista na Liña 5, pola cuantía de 1.000 Euros, para sufragar parcialmente os costes derivados da súa participación na competición deportiva durante a tempada 2025.

Para que lle poida ser concedida esta subvención, presenta xunto con este escrito os seguintes documentos:

- 1) Solicitude dirixida á Alcaldesa no modelo oficial, recollido no anexo I destas bases.
- 2) Estatutos sociais do clube.
- 3) Certificado de inscrición no rexistro deportivo da Xunta de Galicia no que conste o domicilio social do clube ou documento acreditativo análogo expedido pola delegación ou xefatura territorial competente.
- 4) Poder co que actúe o representante do club, agás que a dita función lle corresponda conforme aos estatutos sociais, en razón do seu cargo na entidade, en cuxo caso a validez da representación se acreditará mediante documento do seu nomeamento ou elección.
- 5) Declaración responsable comprensiva do feito de non atoparse incurso o solicitante nas prohibicións recollidas no artigo 13 da Lei xeral de subvencións, incluíndo unha referencia expresa á circunstancia de acharse a entidade ao día nas súas obrigas tributarias e de Seguridade Social. Para a formulación desta declaración poderá utilizarse o modelo recollido no anexo II destas bases.
- 6) Declaración do solicitante da subvención na que figure o conxunto de subvencións e axudas solicitadas para os mesmos fins, tanto as aprobadas ou concedidas, como as pendentes, sexan públicas ou privadas, segundo o modelo anexo III.
- 7) O DNI do representante e o CIF da entidade .
- 8) Memoria valorada das actividades previstas á súa participación na competición deportiva durante a tempada 2025.
- 9) No caso de solicitar anticipo, presentárase o anexo IV.

Oimbra, a de 2025
ASDO:

SRA. ALCALDESA DO CONCELLO DE OIMBRA

ANEXO II

D./Dña.....
.....DNI....., e con domicilio a efectos de notificación
en.....

En relación coa axuda económica concedida polo Concello de Oimbra, destinada a financiar parcialmente os gastos do clube..... para a tempada 2025,

DECLARO baixo a miña responsabilidade,

1º) Que non incorro en ningún dos supostos previstos no artigo 13 da Lei 9/2007, do 1 de xuño , de subvencións de Galicia .



2º) Que o clubeestá ao corrente das súas obrigas fiscais co Concello de Oímbra, coa Axencia Estatal da Administración Tributaria, coa Xunta de Galicia e coa Tesourería Xeral da Seguridade Social.

Oímbra, ade.....de 2025
ASDO.

ANEXO III

D/Dña.....
.....DNI....., e con domicilio a efectos de notificación en

En relación coa axuda económica concedida polo Concello de Oímbra, destinada a financiar parcialmente os gastos do clube..... para a tempada 2025,

DECLARO baixo a miña responsabilidade,

☐ Que non teño solicitado, nin concedido, nin está pendente de concesión ningunha outra axuda para a mesma finalidade.

☐ Que teño concedida outra/s axuda/s económica/s :

Organismo	Obxecto	Cuantía
.....		
.....		
.....		

Oímbra, ade.....2025

Asdo.: O Representante

ANEXO IV

SOLICITUDE DE ANTICIPO AO CONCELLO DE OIMBRA DENTRO DA LIÑA 5 DO SEU PLAN ESTRATÉXICO DE SUBVENCIÓNS PARA O ANO 2025: AXUDAS A CLUBES DEPORTIVOS.

D./Dña.....maior de idade, provisto/a do D.N.I.
num.....con domicilio a efectos de notificación en.....

EXPÓN:

Que sendo coñecedor/a da Liña 5 do Plan Estratéxico de Subvencións do Concello de Oimbra do ano 2025, así como das Bases da Convocatoria para a presentación da solicitude de subvencións.

Que é representante do clube....., con sede social no concello de Oímbra, inscrito no rexistro deportivo da Xunta de Galicia, co número....., e cumpre os requisitos para poder acceder a esta liña de axudas .

Que se o clube..... cumpre os requisitos para poder acceder a esta liña de axudas, e é beneficiario da axuda prevista na Liña 5, pola cuantía de 1.000 Euros, para sufragar parcialmente os costes derivados da súa participación na competición deportiva durante a tempada 2025.

Por todo, **SOLICITA:**

O anticipo da cantidade de 1.000 euros, para facer fronte ós gastos do clube, co **COMPROMISO :**

-Presentar en tempo e forma, conforme ás presentes bases a documentación xustificativa do gasto executado.

-Á devolución do importe adiantado, no caso que non se declarara xustificada a axuda polo órgano de goberno local.

Oimbra, ade.....2025
ASDO:



SRA. ALCALDESA DO CONCELLO DE OIMBRA

